

Aarrit nannullu takornariatitsinermi tammajuitsussarsiorluni piniartartunut pisassiissutigineqarsinnaanngorsinnaanerit siunertaralugu Naalakkersuisut, 2022 naatinnagu saqqummiunneqartussamik, nalunaarusioqqullugit peqquneqarnissaannik inatsisartut aalajangiiffigisassaattut siunnersuut. Nalunaarusiamittaaq aningaasarsiutaasinnaanerisa aammalu nunarsuarmioqatigiit aalajangersagaasa killilersugaat qulaajarneqassapput
Aslak W. Jensenimit, Siumut, saqqummiunneqartoq

pillugu

Aalisarnermut, Piniarnermut Nunalerinermullu Ataatsimiititaliap

siunnersuutip aappassaaneernejarneranut

ISUMALIUTISSIISUTAA

Ataatsimiititaliap suliarinninnermini ilaasortarai:

Inatsisartunut ilaasortaq Jens Napaattooq, Naleraq, siulittaasoq
Inatsisartunut ilaasortaq Aslak W. Jensen, Siumut, siulittaasup tullia
Inatsisartunut ilaasortaq Hans Aronsen, Inuit Ataqtigiit
Inatsisartunut ilaasortaq Siverth K. Heilmann, Atassut
Inatsisartunut ilaasortaq Charlotte Pike, Inuit Ataqtigiit
Inatsisartunut ilaasortaq Karl Tobiassen, Siumut
Inatsisartunut ilaasortaq Jens-Frederik Nielsen, Demokraatit

UKA2021-mi ulloq 21. oktober 2021-mi siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

2022 naatinnagu nassuiaasiornissamik Naalakkersuisut peqquneqarnissaat siunnersuuteqartup kissaatigaa. Aarrinik nannunillu tammajuitsussarsiorluni piniagassanik immikkut pisassiisalnissamut nassuiaat tunngassaaq. Kiisalu aningaasarsiutaasinnaanerannut periarfissat aammalu nunat tamalaat akornanni isumaqatigiissutitigut killilersuutit nassuiaammi qulaajarneqassapput.

2. Siunnersuutip Inatsisartunit siullermeernejarnera

Siunnersuut Inatsisartut ataatsimiittarfianni siullermeerinninnermi tapersorsorluarneqarpoq. Inuussutissarsiutigalugu piniartut atugaat imaannaangitsut aammalu piniartut nunattalu karsiata aningaasaqarnikkut isertitaqarnissamut periarfissaasa pitsanngorsarneqarlutillu ineriartortinneqarnissaannut pisariaqartitsineq oqallinnermi qitiutinneqarput. Tamatuma peqatigisaanik soqutigisaqartut tusarneqarnissaat aammalu piniarnermik inuussutissarsiuteqarnermi ileqqorineqartut kulturillu ataqqineqarnissaat pingaartinneqarpoq.

3. Ataatsimiititaliap siunnersuummik suliarinninnera

Siunnersuut ataatsimiititaliamit soqutiginarinneqarpoq aammalu nassuiaasiassatut siunnersuutigineqartumi suliassa qarfiit assigiinngitsut qulaajaavigineqartariaqarnerat pillugu siunnersuuteqartut isumaqatigineqarpoq.

Tassunga atatillugu suliassa qarfiit uku nassuiaammi ilanngunneqarnissaat ataatsimiititaliamit pingaartinneqarpoq:

- Nannunik aarrinillu tammajuitsussarsiniarluni piniartitsisarnissamut nunat tamalaat akornanni isumaqatigiissutini periarfissat killilersuutillu suuppat
- Pisanik piniartut akornanni agguaassisarnermik qanga ileqqup aalajangiusimaneqarnissaanut periarfissaq
- Nannunik aarrinillu tammajuitsussarsiniarluni piniartitsisarnermi pisassiissutit amerlineqarnissaannut periarfissat isumaliutigineqarnerat
- CITES-it nunallu tamalaat akornanni isumaqatigiissutit allat misissornerat nutarternenilu
- Tammajuitsussarsiniarluni piniartitsineq inuussutissarsiutigalugu piniartutut allagartalinnut taamaallaat naatsorsuussaassaaq
- Aarrinik nannunillu tammajuitsussarsiniarluni piniartitsisarnerup pitsaaqutaasa ajoqutaasalu misissornerat.

4. Siunnersuutip aningaasaqarnikkut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinnerani aningaasaqarnikkut allaffissornikkullu kingunerisassat siunnersuutip tunngavilersuutaani aallaaserineqassat.

Tamanna naapertorlugu siunnersuutip piviusunngortinnerani aningaasatigut kingunerisassat siunnersuummi nalunaarneqartut ataatsimiititaliamit maluginiarneqarpoq. Nassuiaasiorneq annerpaamik A/C-p, 250.00-inik naleqartumik, ukioq affaq tikillugu sulineranik akeqartussatut siunnersuuteqartumit missingerneqarpoq. Aningaasanut killiliussat iluanni nassuiaat suliarineqarsinnaasariaqartoq ataatsimiititaliaq isumaqataavoq.


5. Ataatsimiititaliap inassuteqaatai

Ataatsimiititaliap isumaqatigiittup siunnersuutip akuerineqarnissaa inassuteqaatigaa.


Naalakkersuisut kaammattuuteqarneq:

Ataatsimiititaliami amerlanerussuteqartut Naleraq, Inuit Ataqtigiit, Siumut, aamma Atassut kaammattuutigaat Naalakkersuisut tunisassiat nannunit pisut avammut tuniarneqarnissaannut aaqqiissummut tunngavissiiinnaasumik nassaarniaqqullugit.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.




Jens Napaattooq
Siulittaasoq



Aslak W. Jensen
Siulittaasup tullia




Hans Aronsen




Siverth K. Heilmann



Charlotte Pike



Karl Tobiassen



Jens-Frederik Nielsen